

ATXILOKETAK. Ertzaintzak abiatutako operazioaren ostean Guardia Zibilarena etorri da. Guztira hamabost lagun atxilotu dituzte Gipuzkoa eta Nafarroako hainbat herritan. Balzak ETako *Donostia Komandoko Totto taldea* desegintzat eman zuen.

Ertzaintzak bi komandokide eta Guardia Zibilak 13 laguntzaile atxilotu dituela esan du Balzak

Denak etxean edo kalean zebiltzala atxilotu zituzten, eta EAeko Herrizaingo sailburuak ETako kideztat jo dituenen lagunak eta ingurukoak dira



EGUNKARIA

TOLOSAN. Guardia zibilak Eurne Belasko atxilotzera joan zirenean inauterietako desfilea ere gelditu zuten; izan ere, ordu horretan zen ateratzekoa.

E. Begiristain-A. Iartza | GASTEIZ-DONOSTIA

Javier Balza EAeko Herrizaingo sailburuak azaldu zuen Ertzaintza eta Guardia Zibilaren artean «koordinazioa» egon dela, eta horren ondorioz Ertzaintzak ETako bi komandokide atxilotu dituela eta Guardia Zibilak, berriz, komandoko hamahiru laguntzaile. ETaren *Donostia komandoko Totto taldea* desegin dela esan zuen.

Balzaren hitzetan, Guardia Zibilak Gipuzkoan eta Nafarroan atxilotutako pertsona horiek komandoko kideekin «harremana» dutelako atzeman dituzte. Hala, Balzak azpimarratu zuen bi poliziek egindako operazioak «bateragarriak» izan direla eta Herrizaingo Saila eta Barne Ministerioaren artean «harreman zuzena» egon dela azaldu zuen.

Ertzaintzaren operazioa Iñigo Guridi Villabonako gaztearen atxilotetarekin hasi zen, ostegun gauerdian. Operazioak zenbait miaketekin jarraitu zuen, eta hala, Ertzaintzak ostiralean Aloña Muñoaren etxea miatu zuen Seguran. Larunbatean, Aitor Agirreren gurasoen taberna eta etxea miatu zituen Lizartzan, baina ez zuten gaztea atzeman. Igande arratsaldean, berriz, Ertzaintzak Eñaut Lerna 25 urteko gaztea atxilotu zuen Asteasun, gurasoekin etxean zela. Lerna Guridiren ikaskidea izan zen. Balzak, hain zuzen, komandoa atxilotutako bi pertsonak eta ihes egindako beste hiru osatzen zutela esan zuen: Asier Arzalluz, Aitor Agirre eta Aloña Muñoa.

Guardia Zibilaren operazioa, berriz, larunbat arratsaldean hasi zen. Olatz Galarraga orretako gaztearen etxean Ertzaintzaren dei bat jaso zuten komisaldegian azal zedila aginduz. Galarragaren aita joan zen komisaldegira, eta orduan Guar-

dia Zibilek Olatz Galarraga atxilotu zuen. Larunbat arratsaldean bertan, baina Donostiako Martutene auzoan Ander Garmendia eta Sendoa Etxaiz atxilotu zituzten.

Egun horretan Iruñean euskararen alde izandako manifestazioetik bueltan zetozela, Oiha-na Beristain eta Nerea Goikoetxea atxilotu zituzten. Donostiako bi gazte hauek lehengusuak dira eta Goikoetxearen amarekin eta beste lagun batekin zihozen autobiatik Donostiaruntz. Mugiroko Bentaren parean gelditu zituzten eta Guardia Zibilek 20 urteko Oiha-na Beristain eta 23 urteko Nerea Goikoetxea eraman zituzten, ama eta laguna han utzita, gidatzeko baimenik gabe. Ondoren, goizaldeko 3:00ak aldera Guardia Zibila Goikoetxearen etxean azaldu zen Antiguako Donosti Zarran, aita lepotik helduz eta pistola jarritz. Bertatik ordenagailua eta klaseko paperak eraman zituzten. Gauean ere Guardia Zibila auzo bereko beste etxe batera joan zen eta Eizmene Aizpurua atxilotu zuen. Bi lehengusuak eta Aizpurua kuadrila berekoak dira eta Aitor Agirreren lagunak.

ERTZAINZA

16 atxilotu aske

EAeko Barne Sailak onartu ez duen arren, Ertzaintzak ostiral goizaldean Ordiziako gaztetxean atxilotutako 14 lagunak aske geratu dira. Horretaz gain, Ertzaintzak ostiral iluntzean Baionara Negu Gorriak-en kontzertura zihozazen Koldo Otamendi eta Pello Gallo atxilotu zituen, operazio ikusgarri batean. Zenbait orduz atxiki ostean aske utzi zituzten.

Igande goizaldean baita ere Pello Goikoetxea atxilotu zuten. Goikoetxea larunbat arratsaldean zenbait lagunekin Uztegitik Tolosako ihauterietara joan zen, eta bertan jakin zuten Aitor Agirreren gurasoen etxea miatzen ari zirela. Agirre Goikoetxearekin bizi izan zen Uztegin, eta lekukoek kontatutakoaren arabera, agian Uztegitira euren etxea miatzera ere joango zirela komentatu zuen. 1.00ak aldera, baina, lagunekin Uztegitira bueltan zihola kalez jantzitako guardia zibilek autoa gelditu eta eraman egin zuten. Bere lagunak beste auto batean

EKIMENAK

Premiazko mozioak eta mobilizazioak atxilotuen herrietan

Azken egunetako atxiloketak izan diren herrietan premiazko udalbatzak eskatu ditu EHk, atxiloteten aurkako mozioak aurkezteko. Atzo Ordizian eta Seguran atzera bota zuten EHren mozioa, eta Araizen onartu. Ordizian EAJ-EAk (5 zinegotzi) eta IU-EBk (1) aurka bozkatu zuten, eta EHk (4) alde; Seguran EAJk (3) eta EAK (2) aurka, eta EHk (4) alde; eta Araizen, EHko bostek alde. Beste alderdietako zinegotziek ez zuten parte hartu udalbatzetan. Donostian, Errenterian, Tolosan, Billabonan eta Lizartzan aurki aztertuko dira EHren mozioak.

Atxilotuak baldintzarik gabe aske uzteko eskatzen du EHk, eta Udalek kezka agertzea nahi du «Gerdarmenia, Guardia Zibila eta Ertzaintzaren eskuetan euskal herritar hauek jasan de-

zaketen tratu eta indefentsio egoeragatik». Udalek atxilotuen egoeraren jarraipen zehatza egiteko eskatzen du EHk, eta sortzen diren gas-tuak beren gain hartzeko. Polizi operazioaren atzean «interes eta erabaki politikoak» daudela diote EHren mozioek, eta «irtenbide bakarra Euskal Herriari zor zainzian hitza eta erabakiaren aldeko lanean guztiok tinko pausoak ematea» dela, «bide errepresiboa gaindituz».

Bestalde, Amnistiaren Aldeko Batzordeek mobilizazioak deitu dituzte atxiloteten kontra. Gaur, Tolosako triangeluan kontzentrazioa egingo da 19:00etan, Ordizian manifestazioa 19:30etan, eta Errenterian ere manifestazioa 20:00etan. Biharko, borroka eguna deitu dute AABek Goierrin, bi manifestazio deialdirekin, 12:30etan eta 20:00etan Ordizian.

Martxoaren 1erako, bestalde, manifestazioa deitu dute Billabonan, 20:00etan. Eta martxoaren 3rako, larunbatearekin, Gipuzkoa mailako manifestazioa egingo dute Donostian. Herrialde mailako manifestazioa 17:30etan abiatuko da Bulebarretik.